

Shona - Agape MuMagwaro - God's Love Letter Scriptures

Johani 15:9 "Sezvo Baba vakandida, neni ndakakudaiwo, zvino, chigarai murudo rwangu.

Isaya 43:1,2 - VaEfeso 2:10 Nokuti tiri basa raMwari, rakasikwa muna Kristu Jesu kuti tiite mabasa akanaka, akagadzirwa naMwari kare kuti tiaite.

Jeremia 1:5 - VaGaratia 1:15 Asi Mwari akanditsaura kubva pakuzvarwa kwangu uye akandidana nenyasha dzake, uye akafadzwa nazvo,

Johani 15:16 Imi hamuna kundisarudza, asi ndakakusarudzai uye ndikakugadzai kuti muende mugondobereka zvibereko, izvo zvibereko zvinogara. Ipapo Baba vachakupai zvose zvamuchakumbira muzita rangu.

3 Johani 1:2 Mudikani shamwari, ndinonyengetera kuti uve noutano hwakanaka uye kuti zvose zvikunakire kunyange sokufara kwomweya wako.

Isaya 43:4 - 1 Petro 2:9,10 Asi imi muri vanhu vakasanangurwa, uprista hwamambo, rudzi rutsvene, vanhu vaMwari chaivo, vaakadana kuti muparidze kunaka kwaiye akakudanai kuti mubve murima, muuye muchiedza chake chinoshamisa. 10 Kare makanga musiri vanhu, asi zvino mava vanhu vaMwari; kare makanga musinganzwirwi ngoni, asi zvino makagamuchira ngoni.

Jeremia 31:3 - VaEfeso 1:4 Nokuti akatisarudza maari nyika isati yasikwa kuti tive vatsvene vasina chavanopomerwa pamberi pake.

2 Timoti 1:9 akatiponesa uye akatidanira kuupenuy hutsvene, kwete nokuda kwechinhu chatakaita asi kuti nokuda kwake iye, uye nenyasha. Nyasha idzi takadzipiwa muna Kristu Jesu nguva dzisati dzavapo,

Hosea 11:8 "Ndinokuregedza seiko, Efuremu? Ndingakuendesa seiko, Israeri? Ndingakuitireiko saAdhima? Ndingakuenzanisa sei naZebhoimi? Mwoyo wangu washanduka mukati mangu; tsitsi dzangu dzose dzamutswa.

Johani 3:16 "Nokuti Mwari akada nyika nokudaro, kuti akapa Mwanakomana wake mumwe oga, kuti ani naani anotenda kwaari arege kufa asi ave noupenyu husingaperi.

Isaya 49:15,16 "Ko, mai vangakanganwa mucheche anonwa ari pachipfuva chavo, uye vangasanzwira tsitsi mwana wavakazvara here? Kunyange hazvo ivo vakakanganwa, ini handizokukanganwi! 16 Tarira,

ndakakunyora pazvanza zvamaoko angu; madziro ako anogara ari mberi kwangu.

Isaya 41:13,14 Nokuti ndini Jehovha, Mwari wako, anobata ruoko rwako rworudyi achiti kwauri, Usatya; ndichakubatsira. 14 Usatya Jakobho iwe honye, iwe mudiki Israeri, nokuti ini iyeni ndichakubatsira,” ndizvo zvinotaura Jehovha, Mudzikinuri wako, Mutsvene walsraeri.

Ruka 12:32 “Musatya henu, imi kapoka kaduku, nokuti Baba venu vakafadzwa nokukupai umambo.

Mateo 28:20 uye muchivadzidzisa kuti vachengete zvose zvandakakurayirai. Uye zvechokwadi ndinem kusvikira pakuguma kwenyika.”

Johani 14:1 Mwoyo yenu ngairege kutambudzika. Tendai kuna Mwari; mutendewo kwandiri.

MaPisarema 23:1-6 Tenzi ndiye mufudzi wangu; hapana chandingashayiwa. Anondivatisa pana mafuro manyoro; anonditungamirira kumvura yakagadzikama. Anovandudza mweya wangu, anonditungamirira munzira dzakarurama nokuda kwezita rake. Kunyange ndikafamba mubani mune rima rinotyisa, handingatyi chakaipa, nokuti imi muneni; tsvimbo yenu nomudonzvo wenu zvinondinyaradza. Munondigadzirira chokudya pamberi pavavengi vangu; munozodza musoro wangu namafuta; mukombe wangu unopfachukira. Zvirokwazvo kunaka kwenyu nengoni dzenyu zvichanditevera mazuva ose oupenyu hwangu; ini ndichagara mumba maTenzi, kusvikira rini narini.

VaFiripi 4:7 Uye rugare rwaMwari, runopfuura kunzwisia kwose, rucharinda mwoyo yenu nemifungo yenu muna Kristu Jesu.

Fananidzo - Zvirevo 3:24 paunovata pasi, haungatyi; paunovata pasi, hope dzako dzichava dzakanaka.

MaPisarema 4:8 paunovata pasi, haungatyi; paunovata pasi, hope dzako dzichava dzakanaka.

Johani 14:27 Ndinokusiyirai rugare; ndinokupai rugare rwangu. Handikupei sokupa kwenyika. Mwoyo yenu ngairege kutambudzika uye musatya.

MaPisarema 33:18 - 1 Petro 3:12 Nokuti meso aShe ari pamusoro pavakarurama, uye nzeve dzake dzakateerera kumunyengetero wavo, asi chiso chaShe chakanangana navaya vanoita zvakaipa.”

VaRoma 5:2 watakawana naye mapindiro, nokutenda, munyasha idzi dzatakamira madziri zvino. Uye tinofara mutariro yokubwinya kwaMwari.

Isaya 55:12 - Ruka 19:40 Akapindura akati, “Ndinokuudzai kuti, kana vakanyarara, matombo achadanidzira.”

Johani 16:22 Naizvozvo nemiwo zvino inguva yenu yokusuwa, asi ndichakuonai zvakare uye muchafara, uye hakuna achakutorerai mufaro

wenu.

Ruka 12:9 Asi uyo anondiramba pamberi pavanhу acharambwawo pamberi pavatumwa vaMwari.

Mateo 10:30 Uye kunyange nebvudzi riri mumusoro yenu rakaverengwa.

Isaya 54:10 - Mateo 24:35 Denga nenyika zvichapfuura asi mashoko angu haangatongopfuuri.

Mateo 11:28-30 “Uyai kwandiri, imi mose makaneta makaremerwa, uye ndichakupai zororo. 29 Takurai joko rangu, mudzidze kwandiri, nokuti ndiri munyoro uye ndine mwoyo unozvininipisa, uye muchawana zororo remweya yenu. 30 Nokuti joko rangu hariremi uye mutoro wangu wakareruka.”

Rwiyo Rukuru rwaSoromoni 2:10 Mudiwa wangu akataura kwandiri akati, “Simuka, mudiwa wangu, iwe munakunaku wangu, uya tiende tose.

Hosea 2:14,19,20 Naizvozvo zvino ndichazovakwezva; ndichavatungamirira kurenje ndigotaura zvinyoronyoro kwavari. 19 Ndichatsidza kukuwana uve wangu nokusingaperi; Ndichatsidza kukuwana mukururama uye nomukururamisira, murudo netsitsi. 20 Ndichatsidza kukuwana mukutendeka, uye uchabvuma kuti ndini Jehovha.

2 Korinde 11:2 Ndine godo pamusoro penyu negodo raMwari. Ndakakuitai vakavimbika kumurume mumwe chete, kuna Kristu, kuitira kuti ndigozogona kukusvitsai kwaari semhandara yakachena.

Exodus 13:4 - VaHebheru 13:8 Jesu Kristu anogara akadaro zuro nanhasi nokusingaperi.

Hosea 13:4 - Mabasa Avapostori 4:12 Ruponeso haruwanikwi kuna ani zvake, nokuti hakuna rimwe zita pasi pedenga rakapiwa kuvanhu ratingaponeswa naro.”

Johani 15:14 Muri shamwari dzangu kana muchiita zvandinokurayirai.

Johani 14:6 Jesu akapindura akati, “Ndini nzira nechokwadi uye noupenyu. Hakuna munhu angaya kuna Baba kana asina kupfuura napandiri.

Zvakazarurwa 3:20 Ndiri pano! Ndimire pamusuo ndichigogodza. Kana munhu akanzwa inzwi rangu uye akazarura musuo, ndichapinda uye ndigodya naye, uye iye neni.